

آبونه شرائطی : هریر ایچون
سنه لکی (۴۰۰) آلتی آیلنی
(۲۲۵) ممالک اجنیه ایچون
سنه لکی (۴۵۰) ، آلتی آیلنی
(۲۵۰) غروشدر .

نسخه سی ۷۰۵ غروشدر .
سنه لکی ۵۰ عدددر .

اداره خانه : باب عالی جاده سنده
رشید افندی خائنده

اخطارات

آبونه بدلی پشیندر .

مسئله موافق آثار مع المنونیه
قبول اولنور . درج ایدله بن
یازیلر اعاده اولنماز .

والله یهدی من یشاءالی صراط مستقیم

تذکره

۱۳۳۰

صاحب و مدیر
اشرف ادیب

باش محرر
محمد کاکف

آدره من تبدیلنده آریجه
غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسنی محتوی
بولونسی لازمدر

ممالک اجنیه ایچون آبونه
اولانلرک آدرس لرینک
غراسزجه یازلسی رجا اولنور .

پاره کوندردلیکی زمان نهیه
دائر اولدیقی بیلدیرلسی
رجا اولنور

اتبعون اهدکم سبیل الرشاد

آئینی ، دیندن ، ناموسدن تجردله یالکز بهیمیتی تطمین ایدہجک افعاک
 مباح عد ایدیلیمی کی شناخت وافسادات اولقی اوزره قبول ایتمور و بوکاتجدد
 دکل ، تردی دیور . تجدد وترقیقک عسرك علمنی ، فنی ، صنعتنی اخذوتلقی
 ائیک صورتیلہ حاصل اوله جفنه قناعتی واردر .

امین ومطشتم که مطبوعاتده ملته بویله هم فکر ومفقدر . عکسنی
 ملاحظه متصور دکلدر . هیمزک اولدیننی کی مطبوعاتکده غایه وهدفی بوتجدد
 وبوترقیقی تأمیندن عبارت اولایلدر . یوقسه مقدسات دینیه وحیثیتشخصیهیه ،
 شرف ملییه تجاوز ایتمیرمکه جمهوریتیزک قانونی مساعده دکلدر . بناء علیه
 سرلوحه کزی اکمال ایدیورم : یا بودوه بی کوتلی ، یا بودیاردن کیتلی . *

* *

مسلمانن و غرب

(مورنینغ پوست) غزته سنک ع شباط تاریخی نسیخه سنده
 او قوندیغنه کوره (لوندره) جماعت اسلامیه سی ، مصرک (لوندره)
 سفیری عزیز عزت پاشانک شرقه (ووکینغ) جامع شریفنده براحتفال
 زینب ایتش و بو احتفاله انگلیز ، هندی ، ایرانی ، افغان ، عرب ،
 زنجی ، المان ، مجار و مصرلی برچوق ذوات بولومشدر .

انگلیز مسلمانلردن لورد (همدلی) ایراد ایتدیکی نطقده ، مصرک
 (لوندره) سفیری عزیز عزت پاشانی انگلتره ده کی مسلمانلرک اک صمیمی
 حسیات اخوت ایله قارشیلادقلرینی سویله مشدی . عزیز عزت پاشا
 لشکراتی تقدیم ایتدکن صوکره (ووکینغ) جامع شریفنی تأسیس
 ایدنلری مدح و ثنا ایتش و دیمشدر که :

« — آرزومز غرب ملتلی ایله مساوات تامه یه نائل اولمقدر . فقط
 غربک علومنی آله بیلیمک ایچون جدیدله چالیشالی یز . برچوق سنهل غرب ، علوم
 ماده ساحه سنده استادمز اولاجق ایسه ده بزمده معنویات ساحه سنده غربه
 اوکره تهجک برشبتمز اولدیننی ادعا ایدمیلیرز . اسلام مدنیتلرینک تاریخی غرب
 دارالفنونلرنده ، حال حاضرده اولدیندن اهتا ایله تدقیقه ده که جکنه معتقدز .
 دین اسلام ، دنیانک اک معظم اخلاق و روحانی قوتلردن بریدر . بو قوت
 السائق اوغورنده قوللاندیننی تقدیرده آنجق اک یوکسه ایلکالر الہ
 ایدیلیر . »

* *

دیبه نه بو یوک قونمده ا

لیله رغائب مناسبتیلہ علی حیدر امیر بک طرفدن وقت غزته سنده
 نشر اولونان مقاله دن :

دین ، یالکز بزم دکل ، بوتون مدنی ملتلرک کیتدکجه داها قوتلی رابطه لزه
 باغلاندقلری بر اساس ، کیتدکجه داها وجدانی برتهالکله کولنکسه صیفندقلری
 بر الہی بایراقدر . بیکرجه بیلدنبری یایدینی تجربہ لزه بشریت آکلامشدرکه
 دینسز یاشامق قابل اولایور و ثروت وشوکتک بلند پاهلرینه ایریشلسه بیله
 وجدانلرک قاراردیننی کوندن اعتباراً ملت ایچین انقراض تحقق ایدیور . تاریخک
 هر دورنده کورولدیکی کی ، عصر حاضرکده اک زنکین ، اک قوی واک مترق
 ملتلی ، اساسات دینیه سنه صیمصیق صاریلان ملتلردر ... کوزیمزی وکوکلزی
 ایصیتان او جاودانی حقیقتک قارشینسنده بیک برتلدن قویاردینمز واولانه درر ؟
 مادامکه بن ، ذوق ویا نفعی اوقشایان بر جرمله باش باشه قالتی فرصتی

بولیورم و بو فرصت دقیقه لرنده قانونک نظرندن قورتولویور و عامه نک حکمیلہ
 مایمنه طالممدن بر دیوار چکییورم . . مادامکه بن ، وظیفه مک منتهی اولدیننی
 فدا کارلغه وظیفه می ایفا ایتمه دن ده کیده بیلور و حقیقی فدا کارلر زمره سیله هم
 عیار اولیورم . . مادامکه بری خصوصی ، دیکری عمومی ایکی ماسکه قوللانهرق
 بونلری ماهرانه دکیشدیرمک سایه سنده ایکی مستقل ومتباین حیات یاشایایلیورم . .
 هانکی تشکیلاتدرکه بی صورتا مفید ، لکن حقیقتده منسوب اولدینر جمیته
 اک مضر برعضو اولمقدن سی ایدمیلیر ؟ هانکی قانوندره ، کینسه یه سزدرمه دن
 آخرک حقته تجاوز امکاتنی بولدینم وقت بکا قارشی فطایته کجه بیلیر ؟ هانکی
 قوتدرکه بی وظیفه منده آتشلره ، اولوملره ، آتشدن و اولومدن مخوف
 فدا کارلقلره ، ریاسز وحیلہ سز صوفه بیلیر ؟ عجا یالکز ذکا وشیطنتمه قارشی
 حرکت ایتک اوزره موضوع اولان مدونات حقوقیه کایمیدر ؟ عجا شخصی
 حدودیمک ایچنده بر باشقه سائق موجود دکلیدرکه کندیته مخصوص احکام
 و دستاير ایله باغلانمغه مستعد اولماسون ؟ هیچ برقوتک وجدانیاته مداخله
 ایدمه یه جکی فرض اولونان بو عصرده ، وجدانیاتی آووچنک ایچنده طوتان
 بویوک ، قادر ، جیروقی برقوت واردر ، بوقوت امله ، استخفافه لایق دکلدر ؛
 بالعکس اونک شریکمز ونظیرسز اولان نفوذوشمولدن استفاده ایدیله لیدر .
 شرقدن غربه کچمک ، علی المیسا ادعا ایدیلدیکی کی ، وجدان باغلیرینی چوزمک
 دکیل ، وجدانه بو واسطه ایله غریزیا ته حاکم اولان او معنوی قدرتی
 عصریلشدیرمک دیمکدر .

اسلامک طائیتدیننی الہ ، صانع کائنات اولان کبریا نک کندیسی دروزات
 بارینک رسالت احمدی ایله بزم کوندردیکی دین ، ادیان سالنه ، موجوده
 ومستقبله نک شکل متکاملیدر . اساساته تمسک ایتدیکن تقدیرده ، بقاعالمی
 خارج از بحث برافیم ، فقط طویراغک اوستنده اک دینج واک صاغلام افراددن
 متشکل برملت حالته کله جکمز شبه سزدر .

دانس ایترسی

آکلاشیلان مملکت مزه یالکز غربک مساویسی بر طوفان استیلا
 کی آقوب طوره جق ، غربده هر درلو مجادله ایله قارشیلانان اجتماعی
 مرضلر بلا قید و شرط مملکت مزه کیرمک ، وایسته دیکی کی اجرای
 تخریبات ایدہجک !

نه غریب ونه فجیع بر حالدرکه بر علت اخلاقیه ، بر مصیبت اجتماعیه
 ایله مجادله واونک استیصالنی امید ایدیورکن یکی بر مصیبتله قارشیلان
 شیور ، بونلره قارشی توحید مجادله ایدیورکن بر باشقه آفت ده
 اوکمزه دیکیلیور . بوضورتله هنوز برینی احما ایتمدن ، هنوز برندن
 قورتولمده دن برسور و شجاعتلر ، فلاکتلر قارشینسنده قالیورز .

بالخاصه بوتون بوسیل مصیبتک عائله ارجاعمزی ، یعنی موجودیتیزک
 تملنی استهداف ایتسی و ربوتلی بیقمه یی یکانه امل ایدیمه سی بزی
 چوق قورقوتیور . عائله ارجاعمزی بیقمق ، عائله حیاتمزی اولدیرمک
 ایچون اطرافمزی اوله بر طفیلیات محشری صارمشدرکه بونلری احما
 ایدوبده حیاتمزی قورتارمغه موفق اولمق زیاده سیله کسب نرا کت ایدن
 برایش اولدی . بو امراض اجتماعیه کون کچمک ، صولتی آرتمدیرییور